

Trosolwg

Mae a wnelo'r safon hon â chyfrannu at weithredu a chynnal gweithdrefnau yn ymwneud â materion diogelwch ac achosion posib o fwlio yn eich lleoliad gwaith chwarae.

Prif ddeilliannau'r safon hon ydy:

1. cyfrannu at a dilyn gweithdrefnau i ddiogelu plant a phobl ifanc
2. cyfrannu at weithredu polisiâu a gweithdrefnau i ymateb i achosion posib o fwlio

Mae'r safon hon ar gyfer gweithwyr chwarae sy'n gweithio'n uniongyrchol gyda phlant a phobl ifanc mewn lleoliad gwaith chwarae ac sy'n gyfrifol yn bennaf am roi cyfleoedd i blant chwarae fel maen nhw'n dewis ac yn dymuno ei wneud. Mae'r safon ar gyfer staff sydd â pheth cyfrifoldeb dros y lleoliad gwaith chwarae ac eraill, ac sy'n gwneud cyfraniad allweddol i gefnogi chwarae.

**Mae'r safon hon yn ategu'r Egwyddorion Gwaith Chwarae. Mae angen i weithwyr chwarae fod yn gyfarwydd â'r rhain, a lle bo'n bosib, eu defnyddio wrth eu gwaith ac wrth adlewyrchu. **

Meini prawf perfformiad

Rhaid i chi allu:

Cyfrannu at a dilyn gweithdrefnau i ddiogelu plant a phobl ifanc

1. dilyn gofynion cyfreithiol, rheoleiddiol a sefydliadol cyfredol i warchod plant a / neu bobl ifanc rhag cael eu **cam-drin**, fel sy'n berthnasol i'ch swyddogaeth
2. cymryd rhan mewn hyfforddiant er mwyn rhoi'r gweithdrefnau diogelu ar waith
3. rhoi cefnogaeth i blant a / neu bobl ifanc o ran sut i gadw eu hunain yn ddiogel rhag cael eu **cam-drin**
4. cefnogi plant a / neu bobl ifanc gyda'u hawliau
5. rhoi arweiniad i blant a / neu bobl ifanc o ran beth y gallan nhw ei wneud os ydyn nhw'n cael eu **cam-drin**

Cyfrannu at weithredu polisiau a gweithdrefnau i ymateb i achosion posib o fwlio

1. cyfrannu at weithredu polisi gwrth-fwlio eich sefydliad
2. dilyn polisi a gweithdrefnau gwrth-fwlio eich sefydliad os oes angen hysbysu rhywun am arwyddion posib o fwlio
3. rhoi cefnogaeth i blant a phobl ifanc o ran cadw eu hunain yn ddiogel rhag cael eu bwlio

Gwybodaeth a dealltwriaeth

Mae angen i chi wybod a deall:

Cyfrannu at a dilyn gweithdrefnau i ddiogelu plant a phobl ifanc

1. yr Egwyddorion Gwaith Chwarae sy'n rhan o fframwaith proffesiynol a moesegol gwaith chwarae a sut mae modd cymhwyso pob un o'r egwyddorion i'ch gwaith chi
2. eich swyddogaeth a'ch cyfrifoldebau eich hunain o ran amddiffyn plant a phobl ifanc
3. gweithdrefnau diogelu eich sefydliad o ran amddiffyn plant a / neu bobl ifanc rhag cael eu **cam-drin**
4. y gofynion cyfreithiol a rheoleiddiol presennol o ran diogelu, ble i ddod o hyd iddyn nhw a phwysigrwydd sicrhau eich bod yn gyfarwydd â nhw yn eich gwaith
2. ffynonellau gwybodaeth ynghylch yr arferion gorau o ran diogelu
3. pwysigrwydd adnabod, datgelu a chofnodi pryderon sydd gennych chi fod plentyn neu berson ifanc yn cael ei **gam-drin**
4. pwysigrwydd hyfforddiant cyfredol a pherthnasol
5. sut i adnabod ac ymateb i symptomau o gamdriniaeth ac esgeulustod yn unol â gofynion cyfreithiol, rheoleiddiol a sefydliadol cyfredol
6. y mathau o wybodaeth y gall fod ei hangen ar blant a / neu bobl ifanc ynglŷn â sut i ddiogelu eu hunain rhag cael eu **cam-drin**, a ble i ddod o hyd i'r wybodaeth honno
7. ffyrdd o roi gwybodaeth i blant a / neu bobl ifanc ynghylch eu hawliau, a phwysigrwydd gwneud hyn
8. pwysigrwydd hyrwyddo hunan-hyder a gwytnwch mewn plant a / neu bobl ifanc
9. y ffactorau allai wneud rhai plant a / neu bobl ifanc yn fwy agored i gael eu **cam-drin** a phwysigrwydd bod yn ymwybodol o hyn
10. sut i roi arweiniad a chefnogaeth i blant o ran yr hyn y dylent ei wneud os ydyn nhw'n cael eu **cam-drin**

Cyfrannu at weithredu polisiau a gweithdrefnau i ymateb i achosion posib o fwlio

1. polisiau a gweithdrefnau gwrth fwlio eich sefydliad a pham bod y rhain yn bwysig
2. **mathau** o fwlio
3. sut i adnabod ac ymateb i bryderon ynghylch bwlio yn unol â

pholisiau a gweithdrefnau gwrth-fwlio eich sefydliad

4. y trefniadau o ran adrodd a chofnodi gwybodaeth ynghylch bwlio

5. pam y gall fod angen cymorth arnoch chi – pa fath, ymhle a chan bwy

Cwmpas/Ystod cysylltiedig â meini prawf perfformiad

Camdriniaeth

1. corffor
2. esgeulustod
3. emosiynol
4. rhywiol
5. bwlio

Eraill (*o leiaf 3 allan o 5*)

1. gweithwyr proffesiynol eraill sy'n ymwneud â gofal plant
2. staff
3. uwch-reolwyr
4. gweithwyr proffesiynol allweddol sy'n gweithio gyda phlant a / neu bobl ifanc unigol
5. asiantaethau cyfeirio

Cwmpas/Ystod cysylltiedig â gwybodaeth a dealltwriaeth

Camdriniaeth

1. corfforol
2. esgeulustod
3. emosiynol
4. rhywiol
5. bwlio

Mathau

1. emosiynol
2. corfforol
3. seibr

Gwerthoedd

Mae'r Gweithwyr Chwarae oedd yn rhan o ysgrifennu'r safon hon, law yn llaw â SkillsActive, wedi cytuno i fabwysiadu'r canlynol fel y gwerthoedd fydd yn berthnasol i bawb sy'n gweithio yn y sector gwaith chwarae.

Egwyddorion Gwaith Chwarae

Mae'r Egwyddorion hyn yn sefydlu fframwaith proffesiynol a moesegol ar gyfer gwaith chwarae ac mae angen felly eu hystyried yn eu cyfanrwydd. Maen nhw'n disgrifio'r hyn sy'n unigryw am chwarae a gwaith chwarae, ac yn rhoi sylw i weithio gyda phlant a phobl ifanc o safbwynt gwaith chwarae. Mae'r safonau yn seiliedig ar y gydnabyddiaeth y bydd modd i blant a phobl ifanc ddatblygu'n well os cawn nhw'r dewis ehangaf posib o gyfleoedd chwarae a manau i chwarae ynddyn nhw.

1.

Mae angen i bob plentyn a pherson ifanc chwarae. Mae chwarae yn rhywbeth greddfoll a chynhenid. Mae chwarae yn anghenraid biolegol, seicolegol a chymdeithasol, ac mae'n hanfodol i les a datblygiad pobl a chymunedau.

2.

Mae chwarae yn broses wirfoddol, bersonol ac yn cael ei wneud er ei fwyn ei hun. Hynny ydy, mae plant a phobl ifanc yn penderfynu ac yn siapio beth a pham maen nhw'n chwarae, drwy ddilyn eu cyneddfau, eu syniadau a'u diddordebau eu hunain, yn eu ffordd eu hunain ac am eu rhesymau eu hunain.

3.

Prif amcan a hanfod gwaith chwarae ydy cefnogi a hwyluso'r broses o chwarae. Dylai hyn ddylanwadu ar ddatblygiad polisïau, strategaethau, hyfforddiant ac addysg yn ymwneud â chwarae.

4.

Y broses chwarae sydd bwysicaf i weithwyr chwarae, ac maen nhw'n eiriol dros chwarae wrth ymwneud â sefyllfaoedd sy'n edrych ar bethau drwy lygaid oedolion.

5.

Swyddogaeth y gweithiwr chwarae ydy cefnogi pob plentyn a pherson ifanc i greu man lle mae modd iddyn nhw chwarae.

6.

Mae ymateb gweithwyr chwarae i'r ffordd mae plant a phobl ifanc yn chwarae yn seiliedig ar ddealltwriaeth gadarn a chyfoes o'r broses chwarae, ac o adlewyrchu ar

eu profiadau eu hunain.

7.

Mae gweithwyr chwarae yn adnabod yr effaith maen nhw'n ei chael ar y lle chwarae a hefyd yr effaith mae chwarae'r plant a'r bobl ifanc yn ei gael ar y gweithiwr chwarae.

8.

Mae gweithwyr chwarae yn dewis ymyrryd mewn ffordd sy'n caniatáu i blant a phobl ifanc ehangu eu chwarae. Pob tro mae gweithiwr chwarae yn ymyrryd, rhaid iddo gydbwysu'r perygl o wneud hynny gyda'r fantais i les a datblygiad y plant.

Caiff yr Egwyddorion Gwaith Chwarae eu dal mewn ymddiriedaeth gan y Grŵp Craffu ar gyfer Proffesiwn Gwaith Chwarae y Deyrnas Gyfunol. Bu'r Grŵp Craffu yn gweithredu fel canolwr di-duedd ac yn goruchwyllo'r broses ymgynghori lle cafodd y safonau eu llunio.

Geirfa

Man chwarae

Man chwarae sy'n cael ei ffurfio gan blant a phobl ifanc. Mae modd iddo fod yn faterol, yn ymwneud â theimladau neu emosiynau, fod yn barhaol, dros dro neu yn ymwneud â'r byd seibr.

Lleoliad gwaith chwarae

Rhywle lle mae cyfle i blant a phobl ifanc chwarae a lle mae gweithwyr chwarae yn gweithio.

Staff

Y bobl rydych chi'n gweithio gyda nhw, y bobl rydych chi'n gyfrifol amdanyn nhw, gweithwyr cyflog neu wirfoddol, myfyrwyr neu o dan hyfforddiant.

SKAPW70

Cyfrannu at weithredu polisiâu a gweithdrefnau i ddiogelu plant a phobl ifanc yn y lleoliad gwaith chwarae



| | |
|----------------------------------|--|
| Datblygwyd gan | SkillsActive |
| Dyddiad cymeradwyo | 01 Chwef 2016 |
| Dyddiad Adolygu Dangosol | 31 Maw 2021 |
| Dilysrwydd | Ar hyn o bryd |
| Statws | Gwreiddiol |
| Sefydliad cychwynnol | SkillsActive |
| RCU gwreiddiol | Newydd |
| Galwedigaethau perthnasol | Iechyd, Gofal a Gwasanaethau Cyhoeddus, Lles a Datblygiad Plentyn, Gweithwyr Proffesiynol y meysydd hyn a phobl mewn swyddi technolegol, Gweithwyr Chwaraeon a Ffitrwydd |
| Cyfres/Set | Gwaith Chwarae |
| Geiriau Allweddol | cyfrannu; gweithredu; diogelu; camdriniaeth; lleoliad gwaith chwarae; gwaith chwarae; plant a phobl ifanc |
